

Erh. 17/II. 1891

Freiem. Landesbibl. in Graz

A. Z. 2.



Statuds

volapükakluba in Leitmeritz.



§. 1. Klub panemom 'Volapükaklub in Leitmeritz.' Sied kluba binom zif Leitmeritz in Bömän (in Löstän).

§. 2. Disein kluba binom plägam, födam e pakam väpüka 'volapük,' pedatiköl fa Schleyer J. M. in Konstanz.

§. 3. Meds al rivön diseini at aibinoms pükats, tidüps e lasams klubanas. Klub vilom i spodön ko vpaklubs tala lölik ed aivipom volaspodi gletikün ko vpns valik. Aibonedom vpagasedis ed ailemom literati vpa. Geb gasedas e bukas palonom in jäfaleod bukakonleta.

§. 4. Zu klub aisibinamom setopami vpadinas; ats binoms: potakads, peneds, gasesds (vpk. n natapükiks, kels ninoms laltügis dö vp.), literat, fotogafots vpnas e demags de zifs vpnas. Vpn alik mödomöd setopami at, keli alim aialom lenlogön glato. Läpolots pötöl pabegoms vemo.

§. 5. Klubal lasams binoms: a) vigal lasams, kels aizitoms väkilüdelo e kels diseinoms lovepolamis e plägamis tagedik; lilädami gasesdas e literata vpk; nünis dö spod kluba e kopanas; sedilam volaspoda, spetivo gepükama bevü klubans; lasumi e sekikami kopanas; danemami stimakopanas e. l. b) yelal lasams väyelso in kilüdel kilid balula. In lasams at cifef nunodom dö dunöfs äyelik kluba; lasam välom cifefi, lonom läpolotis yelik kopanas e sludom eventuo finami kluba. Plogam yelal lasama palenunomöz löpefe l. r. büo dels kil

704.112 B.E
11

§. 6. Lasams aibinoms fägik al sludön nekonsidü num plisenanas. Bisiedal aibinom löman kluba, u falü nelet ota pladal omik. Sludams valik jenoms me mödanum balik vögodas plisenanas pegitöl vögodön. Ats binoms stimakopanals ed aiplägöls. Vögodams it kanoms jenön me lüvokam u kläniko me vögodazöts u me välaglöps vietik e blägik. Vögodams klänik paidunomsöz, if pavipoms fa kopanal sembal, kel labom vögodagiti.

§. 7. Kopanals binoms: a) stimakopanals, kels pemoböl fa cifef padanemoms bavögik in vigalasang sembal demü melids sikik plo klub u disein ota. Stimakopanals ailaboms gitis valik nen bligs. — b) kopanals aiplägöl, kels volapükoms, kels väyelo luüno peloms floni bal, kels bligomsok visitön ziliko klubalasamis. Pösods gena bofnik, lödöls in u plö Leitmeritz, kanoms vedön kopanals somik, if länotoms nitlidi cifefe penädo vpko. Cifef nünom vigalasang nilikün dö länotam, e pos vig bal pavögodos dö lasum. — Kopanals no lödöls in Leitmeritz no kanoms visitön lasamis valik; sikod mutoms plägokön dub spod zilik. — c) kopanals aiyüföl, kels yüfoms klubi me läpolot (luüno flon bal); kanoms visitön lasamis valik e dagetoms väyelo yelanunodi; länotomsös nitlidi cifefe penädo (deutiko); no laboms vögodagiti; kanoms vedön kopanals aiplägöl, susus ulenadoms vpi. — d) kopanals spodöl, kels bligomsok liboviliko, gepükön vpko lensäkis valik kluba e nunodön väyelo luüno balna (in babul) dö stad vpa in top okik. Dagetoms yelanunodis, no mutoms pelön läpoloti e no laboms vögodagiti.

Noet: Pösods visitöl tidüpis kluba leno binoms ya kopanals kluba, sod te julans. Ats labomsöz lifayelis luüno 14 e laboms ni gitis ni bligis.

§. 8. Lasum kopanang jenom in vigalasang segun §. 7.

§. 9. Setlid libavilik kanom jenön egelo, ye palenunomöz penädo cifefe. Löman e pladals bofik no daloms setlidön du yel, sod pos yelalasang nilikün, in kel no daloms pavälön; ots i no daloms klemön cälis okik du yel.

§. 10. Vigalasang alik kanom sekikön kopanali segun mob cifefa a) demü nedafulam bligis to mebam büfoik fa cifef; b) demü kodöt dämöl stimi u diseini kluba; c) demü dunams nestimik.

§. 11. Dikods bevü kopanals licinöl se klubadinäds pacödatoms dubü cifef; palets bofik ailobedomsöz cödäte cifefik.

§. 12. Cifef kosietom se: löman (bisiedal); pladals balid e telid, kels binoms leigüpo penädans balid e telid; penädan kilid; pelals balid e telid; bukakonletels balid e telid; e leodal. Jäfasleod patik lonom vobädöf, cifefa. — Löman e pladals bofik paiväloms nemedamo, dinitis lemänik tagediko fa lasam.

§. 13. Lasams cifefa jenoms kösömo väkilüdelo; aibinoms fägik sludön, if löman (ud in nelet ota pladal) binom plisenik. Aidiseinoms: plepadam lasamayegas valik; befulam klubasludotas; dafinam klubadinädas konömik; pladalam kluba al sevedo dubü löman; e. l.

§. 14. Klubapenods pödisopenoms fa löman e fa penädan bal, kalots fa löman e fa pelal bal.

§. 15. Nosami kluba kanom yelalagam te sludön, üf koponals aiplägöl binoms nena bals; nosam punotomöz büo vigs fol löpéfiko in gaseds. Yelalagam lätik osludom i dö klubalabem.

§. 16. Labem kluba kosietom se: a) läpolots kopanagas, b) gelütadilots e legivots, c) befüds pükatas, tidüpas e. l. d) ventem kluba.

§. 17. Pladal kluba al sevedo aibinom löman u falü nelet pladal oma.

§. 18. Te stimakopanals ed aiplägöls laboms giti välön e pavälön.

Pezepöl fa löpéf l. e r. 1891, jölul 20id, num 89009.

Orh. 17/11. 1891.

Volapükaklub in Leitmeritz, Bömän, Yulop.

ad A. Z. 2.



O vpns valik tala lölik!

Elesevobs volaspodi vpk as med legudik al pakön vpi. Sikod begobs, spodön ke obs. Vpaklubs lestimik potomsös obse statudis okik e ladetis kulädik spodalas anik. Oipotomsös i väyelo du balsul nunodi dö dunöf kluba e dö stad vpa in topöf okik. Plös dagetoms statudis obsik ed onnodis väyelsik e gepükis puvipöl valik.

Klubans lestimik e vpns dabalik obse paseviks pabekoms, vedön kopanals spodöl vpakluba in Leitmeritz, bi ats ailaboms giti flagön gepüki, if upenoms klube; odagetoms i väyelo (in telul) nunodi kluba. Plös opeloms nosi (i no yelaläpoloti). As kopanal spodöl lobon te bligi, gepükön suno, if kopanal isik sembal olen-säkom bosi, e nunodön blefo väyelo in babul dö mosteps vpa in topöf okik.

Ogälökobs levemo, if nek opotom obse vpadinis plo setopam obsik (a. s. fotografotis, gasedis, bukis vpk e. l.).

Sedotis aiflänonös e ladetonös:

V o l a p ü k a k l u b e

(Roschig Florian)

in Leitmeritz, Bömän, Yulop.

Ladets cifefakopanas binoms:

löman: **Roschig Florian**, tidel sifajula, Mühlstrasse 35.

pladal ä penädan balid: **Röhr Arthur**, musigal, Stadtplatz 18.

pladal ä penädan telid: **Netschasek Fritz**, finanacalal, Franz-Josef-
strase 8.

jipenädan: **Kerl Marie**, jitidel pukas, Schiffgasse 5.

pelal: **Sammer Wilhelm**, bukikibel balid, Elbschlossbrauerei.

jipelal: **Salomon Rosa**, jitidel pukas, Schiffgasse 5.

bukakonletel: **Riecken Richard**, plivadan, Inselgasse 8.

bukajikonletel: **Binder Mery**, jitidel pukas, Wotrubagasse 5.

leodal: **Ledwina Johann**, tidel. Gärtnergasse 50.

(valiks in Leitmeritz, Bömän, Yulop.)

